

## **MINGGU PASKA KE-3 C)**

Kisah 5:27-32. 40-41; Mazmur 29 (30):2. 4-6. 11-13. R/ v. 2; Wahyu 5:11-14  
Yohanes 21:1-19 (Versi Singkat, 21:1-14)

**Tema: MISI GEREJA ADALAH MEWARTAKAN KABAR GEMBIRA UNTUK PENYELAMATAN DUNIA**

1. Hari ini adalah Hari Minggu Paska ke-3, Tahun Liturgi C. Bacaan-bacaan hari ini memberitahu kita mengenai misi Gereja adalah untukewartakan kabar gembira untuk penyelamatan dunia!

Injil hari ini memberitahu kita bahawa para murid-murid sedang menangkap ikan sepanjang malam di Lautan Tiberias, tetapi mereka tidak dapat menangkap satu pun! Yang penting, Injil memberitahu kita bahawa Tuhan yang Bangkit telah menampakkan diri-Nya kepada mereka dan menyuruh mereka untuk menabur jala mereka ke sebelah kanan perahu mereka dan mereka dapat banyak ikan sampai susah mereka mahu menarik jala mereka!

Injil juga memberitahu kita bahawa Tuhan yang Bangkit meminta beberapa ikan yang mereka baru tangkap, Petrus telah menarik naik sebanyak 153 ikan besar dalam jala dan jala itu tidak pun koyak!

Dan akhir sekali Injil memberitahu kita bahawa Tuhan yang Bangkit menjemput para murid-murid untuk bersarapan! Dia mengambil roti dan memberi mereka dan begitu juga Dia mengambil ikan dan memberi kepada mereka!

Injil berakhir dengan memberitahu kita bahawa ini adalah kali ketiga Tuhan yang Bangkit telah menampakkan diri-Nya kepada para murid-murid!

Injil memberitahu kita tentang 3 perkara penting:

(i) Misi Gereja adalah untukewartakan kabar gembira untuk penyelamatan dunia! Iaitu, misi Gereja adalah untuk menjadi penjala manusia, menangkap manusia untuk Allah! Masa Gereja awalnya ikan melambangkan orang Kristian yang dibaptis dalam air pembaptisan! (Lefrois). Perahu melambangkan Gereja!

Yang lebih penting, Injil memberitahu kita bahawa tanpa Tuhan yang Bangkit misi kita akan gagal, kita tidak akan dapat menangkap apa-apa pun; tetapi bersama Tuhan yang Bangkit misi kita akan berjaya, kita akan menangkap banyak ikan sehingga tidak dapat menarik jala itu!

(ii) Bahawa Petrus adalah ketua Gereja, dan bahawa Misi Gereja adalah universal(seluruh dunia), dan bahawa walaupun Gereja itu adalah universal, ia adalah bersatu di bawah Petrus Sri Paus pertama! Justru apabila Tuhan yang Bangkit meminta sedikit ikan, Petruslah yang telah menarik jala itu ke darat, dan walaupun adanya 153 ikan besar di dalam jala, jala itu tidak koyak! 153 ikan besar itu melambangkan misi universal Gereja dan jala yang tidak koyak melambangkan kesatuan Gereja!

(iii) Bahawa Tuhan yang Bangkit hadir bersama kita hari ini dalam Ekaristi! Justru itu Tuhan yang Bangkit mengambil roti dan memberinya kepada para murid-murid dan Dia melakukan perkara yang sama dengan ikan. Tuhan melakukan perkara yang sama pada “perkalian roti” yang mana adalah simbol Ekaristi! (Yoh 6:11)

Sama juga, Injil Lukas masa “perjalanan ke Emaus” memberitahu kita bahawa Tuhan yang Bangkit hadir di dalam Sabda Allah, dalam Ekaristi dan di dalam Komuniti! (Luk 24:13-35). Injil Lukas ini dibaca pada Minggu Paska ke-3, Tahun A.

Injil berakhir dengan memberitahu kita bahawa ini adalah kali ketiga Tuhan yang Bangkit menampakkan diri-Nya kepada murid-murid!

2. Bacaan pertama menuruti tema Injil. Bacaan pertama memberitahu kita bahawa para rasul dan Roh Kudus adalah saksi kepada kebangkitan Tuhan! Iaitu, para rasul dipenuhi dengan Roh Kudus adalah saksi kepada kebangkitan Tuhan! (Kis 1:8; Mat 10:20; NJB). Para rasul yang dipenuhi Roh Kudus bersaksi akan kebangkitan Tuhan denganewartakan Kabar Gembira kebangkitan walaupun berhadapan dengan penganiayaan dan kematian:

**“Allah nenek moyang kita telah membangkitkan Yesus, yang kamu gantungkan pada kayu salib dan kamu bunuh. Dialah yang telah ditinggikan oleh Allah sendiri dengan tangan kanan-Nya menjadi Pemimpin dan Juruselamat, supaya Israel dapat bertobat dan menerima pengampunan dosa. Dan kami adalah saksi dari segala sesuatu itu, kami dan Roh Kudus, yang dikaruniakan Allah kepada semua orang yang mentaati Dia” (Kis 5:30-32: SM)**

3. Mazmur antarbacaan adalah kesyukuran atas penebusan! Dalam Mazmur antarbacaan hari ini kita memuji dan bersyukur kepada Allah kerana menyelamatkan kita melalui Putera-Nya Yesus Kristus! Dengan itu sahutan kepada Mazmur antarbacaan:

**“Aku akan memuliakan Dikau, ya Tuhan, sebab Engkau membebaskan daku.” (Mzm 29 (30): 2; SM)**

Mazmur antarbacaan mempunyai tiga rangkap. Rangkap pertama adalah pujian dan kesyukuran kepada Allah atas penebusan (ayat 2 & 4). Rangkap kedua menjemput orang lain untuk memuji dan bersyukur kerana penebusan (ayat 5-6). Rangkap ketiga terus memuji dan bersyukur kepada Allah atas penebusan (ayat 11-13). (CSB).

4. Bacaan kedua adalah doxologi. Bacaan kedua mempunyai dua bahagian. Dalam bahagian pertama malaikat-malaikat di syurga memberi kemuliaan, pujian, penghormatan dan kuasa kepada Domba Allah yang menyelamatkan kita (ayat 11-12)! Dalam bahagian kedua seluruh makhluk ciptaan memberi kemuliaan, pujian, penghormatan dan kuasa kepada Allah Bapa dan kepada Domba Allah (ayat 13-14)! (CSB)

Hari ini kita bersama para malaikat di syurga dan seluruh makhluk ciptaan untuk memberi kemuliaan, pujian, penghormatan dan kuasa kepada Allah Bapa dan kepada Domba Allah atas penebusan kita!

5. Hari ini kita bersyukur kepada Allah atas kebangkitan Yesus Kristus dan kita mohon kepada Allah untuk memberi kita Roh Kudus supaya kita dapatewartakan kabar gembira kebangkitan, supaya semua dapat percaya dan dibaptis dan diselamatkan! Sukacita Paska kepada kamu semua!

Amen!

**Cadangan soalan untuk renungan individu dan perkongsian dalam keluarga, kumpulan kecil dan komuniti-komuniti kecil:**

1. Apakah yang dilakukan oleh Yesus selepas bangkit dari kematian? Apakah misi Gereja? Bolehkah Gereja melakukan Misinya tanpa kehadiran Tuhan yang Bangkit?

2. Bagaimana, bila, dan dimanakah Tuhan yang Bangkit hadir bersama kita hari ini? Adakah Tuhan yang Bangkit bersama kita hari ini dalam Sabda Allah, dalam Ekaristi dan di dalam Komuniti?

3. Dalam Tahun Iman ini, bagaimanakah kita berkongsi iman kamu dengan orang lain? Adakah kamu menggunakan Katekismus Gereja Katolik dalam perkongsian iman kamu dengan orang lain, di sekolah, di tempat kerja kamu, dan di internet, dll.?

4. Bagaimanakah kamuewartakan kabar gembira kepada orang lain? Adakah kamu menggunakan bacaan-bacaan Hari Minggu untukewartakan kabar gembira kepada orang lain? Adakah kamu menggunakan Alkitab untukewartakan kabar gembira kepada orang lain? Adakah kamuewartakan kabar gembira oleh perkataan, perbuatan dan gaya hidup kamu?

**Fr. Nicholas Ong, Holy Trinity Catholic Church (HTCC), Tawau, Sabah, Malaysia,**

**Rujukan: New Jerusalem BAe (NJB); Catholic Study Bible (CSB); Sunday Missal (SM).**